



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 97, datë 23.09.2023

PËR
AKREDITIMIN E PARË TË PROGRAMIT TË STUDIMIT TË CIKLIT TË PARË
BACHELOR NË “SIGURIA DHE HETIMI”, TË AKADEMISË SË SIGURISË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funkcionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 824, datë 24.12.2021, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 23.09.2023, në kuadër të vendimmarrjes për akreditimin e parë të programit të studimit të ciklit të parë, Bachelor në “**Siguria dhe Hetimi**”, me të dhënat si më poshtë:

- a) Emërtimi i programit: Bachelor në “**Siguria dhe Hetimi**”
- b) Cikli i studimit: Cikli i parë
- c) Akti zyrtar i hapjes/licensimit: Urdhër i Ministrit të Arsimit, Sportit dhe Rinisë nr. 458, datë 27.07.2018
- d) Institucioni që e ofron: Akademia e Sigurisë
- e) Njësitë bazë përgjegjëse: Departamenti i Hetimit të Krimit, Departamenti i Ruajtjes dhe Sigurisë, Departamenti i Formimit të Vazhdueshëm, Departamenti i Formimit të Përgjithshëm dhe Juridik.
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Akademia e Sigurisë
- j) Niveli i diplomës në kuadrin e Kornizës Shqiptare të Kualifikimeve: Niveli 6

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuara e verifikuara përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të "*Standardeve për sigurimin e cilësisë për programet e studimeve të ciklit të parë "Bachelor"*" dhe cilësinë e ofertës akademike të programit të studimit, është "**i përmbush kryesisht standardet**", me mangësitë si më poshtë:

1. Fondi i literaturës fizike dhe digjitale i bibliotekës, në funksion të këtij programi studimi, është i kufizuar në numër dhe në botime të viteve të fundit.
2. Sistemi i menaxhimit të brendshëm të informacionit nuk ka pjesë përbërëse të tij platforma elektronike të dedikuara për shkëmbimin e informacionit midis personelit akademik dhe studentëve në funksion të mbarëvajtjes së procesit mësimor.
3. Mungesa e një sistemi për monitorimin, parandalimin dhe shmangien e plagjiaturës për studentët e këtij programi studimi.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin përfundimtar **POZITIV** për programin e studimit Bachelor në "**Siguria dhe Hetimi**", të Akademisë së Sigurisë.
2. **Akreditimin** e programit të studimit me kohëzgjatjen prej **4 (katër)** vite.
3. Afati përfundimtar i vlefshmërisë së akreditimit të programit të studimit është **22.09.2027**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij

vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar
DRITAN NAÇE		Anëtar

INDRIT HOXHA



Anëtar

Shënim: Znj. Ayşen Savaş Sargin dhe Z. Maurice Oudejans, nuk morën pjesë në këtë mbledhje.

Shtojca

Rekomandimet në zbatim të vendimit të Bordit të Akreditimit Nr. 97, datë 23.09.2023, "Për akreditimin e parë të programit të studimit Bachelor në "Siguria dhe Hetimi", të Akademisë së Sigurisë, janë si vijon:

1. Institucioni, të marrë masa për pasurimin e bibliotekës me tituj librash të rinj, si dhe për zgjerimin e aksesit në burimet online të literaturës bashkëkohore, për studentët dhe personelin akademik të këtij programi studimi.
2. Institucioni, të përmirësojë sistemin e menaxhimit të brendshëm të informacionit, duke bërë pjesë përbërëse të tij platforma elektronike të dedikuara për shkëmbimin e informacionit midis personelit akademik dhe studentëve në funksion të mbarëvajtjes së procesit mësimor.
3. Institucioni, duhet të marrë masa konkrete për ngritjen e një sistemi të efektshëm antiplagjiaturë.
4. Institucioni, të rrisë mbështetjen si edhe të nxisë më tej personelin akademik, me qëllim rritjen e aktivitetit kërkimor shkencor dhe publikimet në revista me faktor impakti.
5. Institucioni, të marrë masa me qëllim rishikimin e syllabuseve të këtij programi studimi, për të përfshirë në to më shumë detaje mbi kriteret e vlerësimit të secilit komponent si edhe më shumë udhëzime mbi aktivitetet e punës në grup dhe kriteret e vlerësimit të pjesëmarrjes aktive.
6. Institucioni, të caktojë një koordinator të programit të studimit, përgjegjës për ecurinë dhe zhvillimin e programit dhe të praktikave profesionale.
7. Institucioni, të përfshijë në planin e punës së Njësisë së Sigurimit të Brendshëm të Cilësisë, analizat lidhur me marrëveshjet e bashkëpunimit, në funksion të këtij programi studimi.

Në përmbushje të rekomandimeve të mësipërme, **Akademia e Sigurisë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

